

► Na Centro di Bario Noord

Celebracion innovidabel na honor di Alphonso "Buchi" Boekhoudt

Sra. Tromp-Geerman a presenta su Caha di Orgel "Désiree"



Riba e potret aki nos por mira sr. Ito Tromp kende a fungi como maestro di ceremonia; sra. Glenda Tromp-Geerman kende hunto cu I.C.A. a organisa henter e actividad aki. Igualmente nos por mira nos flamante beyeza Arubiano, Zizi Lee kende e anochi aki a entrega e plakaat den nomber di I.C.A. na sr. Buchi Boekhoudt na kende homenahe a ser dedica.



Na final di e programa oficial, sra. Glenda Tromp-Geerman a entrega minister di Cultura, Ramon Lee, e prome CD cu a ser graba di e Caha di Orgel, "Désiree" den presencia di Alphonso "Buchi" Boekhoudt.

ORANJESTAD

Diasabra ultimo Centro di Bario Noord tabata di fiesta caminda alrededor di 21 Caha di Orgel di Aruba y Antiyas a rindi honor na e yiu di tera, Alphonso "Buchi" Boekhoudt kende ta un persona pionero den fabricacion di cilindronan mu-

sical y di gran parti di e Caha di Orgel construí na Aruba. Na e mesun ocasion sra. Glenda Maria Tromp-Geerman kende a bira e motor principal pa duna un husto reconocimiento na "Bushi" su aporte cultural, a presenta su Caha di Orgel "Désiree". Nos no por keda sin

mentona e trabao conhunto cu Instituto di Cultura Arubano (I.C.A.) y Centro di Bario Noord a realiza pa realiza e fiesta aki cu tabata uno masha bon organisa y bunita.

Instituto di Cultura Arubano (I.C.A.) ta gradici Minister di Cultura, Ramon Lee, pa su

colaboracion cu a haci e anochi aki, tambe nan kier gradici Fantastic Garden pa su bunita matanan pa decora e sitio. Na tur e doñonan di Caha di Orgel cu a duna "Buchi" un homenaje innolvidabel. Na directiva di Centro di Bario Noord cu a ofrece e centro pa e actividad

aki. Na e Fundacion Desaroyo Educativo Comunitario ta bai tambe nan palabranan di danki; y na tur persona cu a yuda realiza e actividad aki y haci uno exitoso. Tambe na e mas di mil persona amante di Caha di Orgel kendenan dor di nan presencia a duna sosten na e actividad aki.



Na momento cu a presenta e Caha di Orgel "Désiree" di sra. Glenda Tromp-Geerman. E presentacion tabata den un forma unico caminda e madrinanan sra. Stebanita Tromp-Gil y sra. Maria Geerman-Britten a efectua e acto aki bashando e 8000 cabez di clavo cu a ser usa den un ponchera di losa. Na e momento aki tur e tocadonan di wiri a sona nan wiri pa duna honor na e entrada di e caha "Désiree".



Na momento cu un tocado di caha ta entrega un reconocimiento na sra. Tromp-Geerman.



Aki nos ta ilustra momento cu sr. Alphonso "Buchi" Boekhoudt ta toca steelpan hunto cu e Steelband "North Stars" cu e anochi aki a ser dirigi dor di Milo Krozendijk.



Riba e potret aki nos por aprecia tur e integrantenan y tambe e hobennan ci ta practicando riba steelband cu tambe a dedica un pieza na sr. Buchi Boekhoudt.